

MISSIONARY EXPERIENCE

Mr. Binjamin Ch.Sangma (CCMPBC)

Aganchengani:

Isol-ni Okamako manani: Anga shri. Binjamin Ch. Sangma Lt. Kogendro Ch.Marak aro Lt.Nemolish Ch.Sangma-ni bonkamgipa depante ong.e Chapahati –I songo 1987 bilsini December 7th Tariko atchiaha. Angni maa pa angko Christian Nokdangon dalata aro angna Isol-ni Kattarangko skie on.an baksa Sunday school aro giljarangchi re·na didironga. Indiba anga Jisuan angni Gitel ine masijachim. A·gilsakni kusinirangko mane janggi tangnasan angko chanchiani bangbataia. Indake ong·engon anga tomtomgijanirangkosa bangbate chagrongskaengachim. SSLS porikakoba bilsu brina kingking seahaoba pass ka·na manjaengachim. Unon angna bate dabatgiparangni agankupatianiko man·a kaoksiani nakatabaaha.Unomiting da.o Chapahati-I Local Baptist Church –o pamong ong.enggipa Mr. Kredith A.Sangma noktangona okamate angko Counseling ka·aha aro Nogorpara Mondoli-ni Youth Festival ong·atgipao bak (5th -7th June 2009) ra.pachina gita aganaha. Ua programme-o “Chadamberangni Isol-na janggi tangani” gimin Balading Baptist Church-ni pamong Mrs. Bonjera Nochi A.Sangma skie on·aha aro angko concelling ka·ahaon anga Jisu Kristoko Jokatgipa ine ra.chakaha. Un sal intal anga mikchi baksa Isol angko jakkalbo ine pakwate bina abachenga. Aro anga Matric Exam-koba pass ka·aha. unomitingan Nogorpara Baptist Mondoli-ni Me·chikrang ABDK –Short term Missionary training-ona watataha. Aro Nogorpara Mondolian Hajongrangna Nama Katta-ko aganchina ine Missionary ong·na 30th May 2010-o Install ka·aha. 2010 June ja dipet Kodaldhowa-o songdongenggipa Hajong manderangna Mission-ni kamko kana abachengaha. Mission-Field-o Isol-ni Kattako agana skang Field-ona re·ange Okomu chake bianiko dakaha.

Anga A.chik ong·ani gimin uamangna Nama Katta-ko aganade bangen uie ra·na nanganirang donga. Uni gimin anga Uamangni kusik aganani cha·a ringani, mai isolrangko mania, maikai bebera·a , uamangni janggi tangani cholrang aro Jat-ni dakbewal , badita nokdangrang donga uarangko amsandian baksa uamangonikon skie ra.chengaha. Obosta ba a·sel ong·ani somoirango anga uamangna Nama Katta-ko aganchengaha. Maikoba nengnikani aro nanganirang dongode dakchakenggipa Mondoli-na uiate kamko ka·na abachenga.

Nengnikaniko Man·ani:

Anga 2010 bilsioni 2013 bilsiona Missionary kamko ka·anio personal rakbegipa nengnikaniko namen man·aha. 2013 bilsio anga Nogorpara Baptist Mondoli-na rejectnaton letter-ko on·e kamoni nengtakaniko on·china molmolaha. Dingtang dingtang kamrangko ka·e janggi tangaha Infrastructure leading Financial Services Hotel Management Trainning-ko williamnagar-o ra·aha. Uni jamano Chennai-ona rimangako man·ahachim anga re·angjaha. Uni jamano Me·cl-department –o Electric linement-na apply ka·e selection-ko manpae Joinning Report-ko Shillongona watatahachim aro jasana kingking kam ka·oba State-oni appointment- letter-ko man·jae dingtang dingtang State-rangona re·ange Company-o kam ka·aha indiba angni janggi tanganio Gitel-ni Gisik kam ka·aha. “Nangko je kam-na okamahachim ukon na·a dakbo” ine agana gita angona sokbaha. “ Nangni skani ong·ode angko nangni a·bao kam ka·na chol on·taibo” ine Isolo birongaha. Isol angni bi·anina aganchakaha. Matchakol Baptist Church, Gopinathkilla Baptist Church aro Chapahati Local Baptist Church (Nogorpara Mondoli-ni Bipek) “ CROSS CULTURAL MISSION PARTNERSHIP OF BAPTIST CHURCHES “ ine bimungko done angko Missionary ong·na okamaniko man·aha. Silhaguri Bormonpara-o Rash Bongsi aro Hajong manderangna Isol-ni Nama Katta-ko aganchina donaha. Mission Field –ona re·angangengon uamangni culture-ko skie ra·chengaha aro Okumu chake bi·anirangko dakaha.

MISSION FIELD –O ANGNI NIKKECHENGANIRANG:

Pekgipa ringa cha·anirangko cha·ani jedake chu, Bang aro uandake gipin pekgipa bosturangko jakkalgipa pagiparangko nikna man·a. uamang Siv –ko puja ka·anioba uamang chu aro ganjako ringesa puja ka·a aro indaken uamang Pagla ong·e donggiparangkoba nikna man·a. Hajong Bongsi Hindu manderangni nokmikkango Tulsi aro chonchone tarigipa a·ani chachat sohakani baksa puja kachakna chonchongipa jamdap mikkango Lokhi Kali –ni noksako pote puja ka·aniko nikna man·a Daldalgipa bolrangni japango chonchone nokko tarie puja ka·aniko nikna man·a. Bi·a ka·gimin me·chikrang jako jaksan gipok·ko ganaan baksa mikkingo sendur toka. Bi·a kagimin me·asarangara Logun pakreoni kangkariona wentonggipa kilding ba buduko gana . Hindu Sonanther toromni gita bebera·ao pangchake an·chignang be·en bitinrangko aro rasin gitichak jalik mosuri dal dalgipa natokrangni be·enrangkoba chaja. Monggorbar aro Bristibar salode dudhi gipok baksa kurta gan·e chine puja ka·e donganiko nika. Hindu torom·o nangchape Nama Katta·ko aganode namen mande ra·a je gita alaksi dakgipa mandeba je cha·ani donga ukon on·a. Bongsi manderangona re·angode Nukkulrongchu muri aro doerangko on·a chamiting somoioba mikkangon dambrak dambrak dake haka stua dakako nitatarin chana ringna nangaia. Mitchiani gimin gitokchina nakapnade manja mikchipketpile chana ringna nangaia. Watna galna manpilgija dake ripeng dakoba Nama Kattako aganjokode gelangaia, uamangni duk ong·engmitingosan knatimtokbataia. Indiba Kristo·ko bebera·e napolna jat alok gala ingipana kentoka. Nama Katta·ko agangenchimomangba ka·jia golmal ong·atna kamrangko ka·a ine basakobade agana aro agana bengan baksa pilak torom·ni isolrangan apsan ine Krishnoba Ramba aro Jisuba apsanba ine aganskaia. Uamangoniba mitamrangde an·tangni bebera·anirangko masija jegriknasa cholko amronga. Christianrang chu ringa task ala ma·a paani bi·a ka·atna skangan turim dongrimma ine agananirangkosan kanbatronga. Pagiparang nokdangna simsakja bi·sarang cha·ani dongama dongja chanchija . magiparangsa salgimik gipin noko salgimik kam kae janggi tangdila. Mesu samjak dongjaoba kari nongo cha·anikoba nikna man·a. Be·en an·senggija saa bilonge sina gitik dakgipa buchuma budepa dakgipa manderangko baranda ba sarao don·anikoba nika anga aiao inmanbea.

Mande Sianiona re·ange nikpaani:

Mande siao songni nokni manderang soe galna skang holdiko mikkang bimang gimikkonan nongata sarao terik resuko ane uno sianggimin Mandeni bimangko donchenga. Sigipa mande me·asa ong·ode uni jaksi bimako dee tangenggipa jikgipani mikkimgo tokgipa sendur·ko ippakata . jaksan·koba okgale dokprete apsan somoion galata. Namgipa bara cholarangko gana china manjawajok ine agana. Sigipa mande noktangani ong·omangba mande soram biapona re·angna manja. Sianggipa Mandeni bikapko soe galna noksulrangoni ambolrangko chimongbatoka jemangan ambol bojasakoba ra·baa uamangko sianggipa mande·ni mahari madrang ine chanako man·a ine agana. Manggisiko sona re·angengon duluk dama harmonium chengchop doke dame git ringe sohakram biap·ona re·anga. uano ganchiko rikmanahaode sianggipa mandena ganatgipa bara cholarangko okgale gala ganchio gate kerosin rudapbe ganchio waalchi soa. Nokdangni manderang miko chana manjawa indiba muri koi draka apple aro roti·rangko chaskaa. Sianggipa Mandeni depanterang dongode dudhi mangmangkosan gana mania aro uko sabon nonge susrange salo ramna manja jaskil jaskil aro kusimangkoba rate galna manja ukon SUA ine Hindu torom·o agnana. Sal 13·ni jamanosa Pondith puja ka·e rate gala. Songsul noksulo rona dongna kamrangko dakchakna manja aro uamangni songsol noksulba mamung dakchakaniko on·a manjawa. Sal 13 gapahaosa songni manderangko okame doi kai aro rongchuko songe on·a ukon Mora Chatdho ine minga, salgipinode Natok dal do·o aro mi songe chane songno nokni manderangna on·a. Iako dakmanahaosa jechina rona dakchakna man·a.

Bia Ka·anio Re·ange nikani :

Nokdango bia kana bilsu chusokgipa deme·chik dongode gipin biaprangona re·ange me·asako sandia. Me·asa me·chikni gisepo namnikrikode bia kana tik ka·a. chugimikan ong·na sipile February March jarongo bia karongbata. Bia ka·aniona okamani chin gita uamang gue rongbri

aro pan chun-ko katepe on-a ukon Mimotron ine minga. Bia ka-atani somoi walo 12:00 Mid-night aro salo 12:00 Noon osa bia ka-ata.

Isoloniko Ra·bianiko Man·anirang:

Kristo Jisuni angna ka-saani aro uni jokataniko anga ma·sie uo bebera·e una dangdike on·genchimoba banga somoion pasikanirango dake choljoka somoirangosan aganprakna cholko ra·na sikaiachim. Isolo bi·na Sastro porainaba indaken angni gisiko bilgriatanikoba man·aia aro aratanirangchi chu·sokatma man·gijanirango anga an·tangan ma·siachim indiba Friends Missionary Prayer Band (FMPB) Cross Cultural Missionaryrangna ong·atgipa Garobadha Goramarao Training Programeo donge Friends Missionary Prayer Band Skigipa Hutoy Achumi aro uni jikgipa Anhonyi Naga uamangni skianiachi ministry-ko dakkanio skanggipa Isolo bi·an baksa Sastro poraijringe Isolo bi·e uni Kattako poraia gri angni gisikko TV Mobilerangni recharge bon·a gita dakrongaha. Isolo badita bi·a badita uni Kattako poraia inditaan angni gisikko dakna skani angni ka·tongko dongtoatgija chasuataha Mission Field-o aro je biap jechi songreoba Bible tract onan baksa apsan bus-o songreenggipa apsan seat-o asonggipa manderangnaba Nama Kattako sakki on·enga.

Gisik Rongtalgipani dilaniko man·gipa banga bebera·giparangko Mission a·bao man·enga indaken Kristo Jisuko an·tangni ka·tongo jokatgipa chongmot ine bebera·giparangko man·e Hajong Bengali Ras Bongsi jatni manderangko chio napbolatpana gita man·enga aro fellowshipko bikongkate dakdilna gita manpaengaha.

Bon·atani:

Anga jeranngko iano seaha uan angni janggi tanganio Isol angko jakkalengani giminsa ong·a. bi·saonin je toromo dalataniko man·aha uanon uamang namen jadil sue bebera·ani donga. Indiba mitamrangde uamangba name bebera·atangko uina jamanchakanirangba donga. Mitamrangara chongmot Isol-kode mankuja ine ui·ena sandienga aro jensalo Gitel Jisu Kristoko knae bebera·a chugimik watgale re·banade society-o galchipaniko man·a kenaniko agana. Indiba Isol-ni Gisik dilaniko man·ahaon uamangko champengna maming bilba manja. Uni gimin karimska bebera·gipa poraisoenggipa sakantiko anga mingsako molmolna sikbe Uamangna Isol bipabo. Poraisoenggipa Sakantikon Mitela.